

Izjava o privredi BiH sa sastanka eksperata koje je imenovalo Vijeće za provedbu mira, predstavnika međunarodnih finansijskih institucija i humanitarnih organizacija, organa BiH i OHR

Predstavnici organa BiH, predvođeni predsjedavajućim Vijeća ministara BiH Adnanom Terzićem, ministrom vanjskih poslova BiH Mladenom Ivanićem i ministricom trezora BiH Ljerkom Marić, danas su se pridružili ekonomskim ekspertima koje je imenovalo Vijeće za provedbu mira i predstvincima međunarodnih finansijskih institucija i humanitarnih organizacija na sastanku održanom u Briselu pod vodstvom visokog predstavnika Paddy Ashdowna.

Cilj sastanka je bilo postizanje koncenzusa o prioritetnim ekonomskim reformama u periodu od narednih 18 mjeseci do dvije godine, te koordiniranje donatorskih i investicijskih strategija da bi se osigurao maksimalno pozitivan efekat po ekonomsku samoodrživost BiH i popravio životni standard građana. Sastanak je organima BiH ponudio priliku da prezentiraju kratkoročnu i srednjoročnu ekonomsku strategiju.

Međunarodna zajednica je uputila riječi pohvale organima BiH za rezultate koje su postigli da sada na provedbi šestomjesečnog akcionog plana koji su izradile i usvojile tri vlade u ljeto 2003. godine, apelirajući na organe vlasti da na vrijeme provedu preostale obaveze koje su predviđene planom, to jest do kraja februara 2004. godine. Skrenuli su pozornost na potrebu za poreznu i regulatornu reformu, industrijsko i administrativno restrukturiranje, na važnost primjene poslovnih zakona, te su još naglasili važnost osiguravanja efikasne mreže socijalnog osiguranja koja će podržati te procese.

Međunarodna zajednica je pozdravila saglasnost trojice premijera i ministara finansija od 2. decembra 2003. godine u vezi četvorogodišnje srednjoročne razvojne strategije (PRSP). Delegacija Vijeća ministara obavezala se na osiguravanje odobrenja za PRSP na državnom i entitetskom nivou do kraja decembra, kako bi ga prezentirali državnom Parlamentu do kraja januara. Učesnici sastanka su primili k znanju vladine potrebe za vanjskom finansijskom pomoći, za koju smatraju da je neophodna kako bi se ubrzao proces reformi, posebno u oblikovanju socijalnog učinka ubrzanih strukturnih reformi. U proljeće 2004. godine Vijeće ministara će upriličiti konservativni sastanak donatora u Sarajevu.

Učesnici su se suglasili da naredni sastanak na ovu temu održi tokom 2004. godine